



*Jumat 11 Desember 2020*

**Ogen: Lukas 2 : 7**



**Pelangkah InganNa**



**S**ada syair lagu : i bas Kidung Jemaat No 127 “ ndenden si iendecken tupung wari natal “ kandang domba itu rumahNya, palungan hewan petiduranNya, lahir dara Maria Pangeran maha Mulia” i ja lagu asalna siigubah Michael E Perry maka Yesus lahir i bas karang asuh asuhen si la lit pintuna terbuka ras angin si meter, sada ingan adi musim salju seh kal bergehna. Emaka i bas perayaan Natal megati iban hiasen karang asuh asuhen, itamai kapas mbentar si ajdi simbol salju, ngingetken i je me Tuhan Yesus tubuh. Lukas 2 :7 naksiken maka i bas ingan e me tubuh Jesus ibaluti salu ampan tunduh ia i bas pelangkah, erkiteken la lit si ngaloken ia i bas ingan penginapen. Megati pemilik penginapen e si bahan jadi tokoh si kejam i bas derama-derama natal, sebab tempa ia nulak Jusuf ras Maria ngingap bas rumahna alu alasen kerina ruang enggo dem.

Suasana Natal enda sekaligus jadi introspeksi diri man banta, bage lalana persoalen si man bentasenta, bage buena kesibuken-kesibukenta, lit denga kinlah ruang bas pusuhta si jadi ingan Tuhan Yesus tubuh?

Sekali enda natal siirayaken kita banci saja beda ras natal si biasana i bas tahun tahun si enggo lewat erkiteken situasi pandemi, perjumpanta pe mungkin kurang teremna, perayaan natal pe lanai bagi sibiasana meriah ilakoken, mungkin saja natal pe ilakoken secara virtual i jabu sekalak-sekalak, enda me kondisi si jadi i bas natal tahun enda. Si perlu si gejakpen eme sehat denga kita seh ngasa genduari, eme pemere Dibata si mbelinna. Ula sempat kita ngelabuh sabab i bas proses Tuhan kita reh ngasupna ngidah kuasa ras kemuliaNa arah kerina si jadi i bas kegeluhenta. Emaka si perlu ipebelin I bas pusuh eme ngatakan bujur. Pandemi si jadi erbahansa kerina berubah, tapi si la perlu berubah eme kinitekenta man Tuhan tetap paguh. Pesikap ruang bas pusuhta si jdi ingan Tuhan Yesus tubuh. Sabab ketubuhenNa e erbahansa kita reh ngasupna rukur positif ras jadi pasu pasu man kalak sideban. Lakokenlah si kitik tapi jadi pasu pasu, adi ngasup erbahan aksi natal mari silakoken, tapi adi la ngasup tetaplah ermeriah ukur, ula tambahi ukur serbut. Bias me pandemi enda si man alanken mberat, tambahi immunta alu nambahi keriahen i bas pusuh. Lakoken protokol kesehatan ras nggeluh i bas Tuhan.

